

四法同卷

菩薩訶色欲法

四品學法

大虛空藏菩薩念誦法

仁王般若念誦法

菩薩訶色欲法

後秦三藏鳩摩羅什譯

女色者世間之枷鎖凡夫戀著不能自拔女色者世間之重患凡夫因之至死不免女色者世間之衰禍凡夫遭之無厄不生行者既

葉八

得捨之若復顧念是爲從獄得出還復思入從狂得正而復樂之從病得瘥復思得病智者愍之知其狂而顛蹶死無日矣凡夫重色甘爲之僕終身馳驟爲之辛苦雖復鈇鎖寸斬鋒鏑交至甘心受之不以爲患狂人樂狂不是過也行者若能棄之不顧是則破枷脫鎖惡狂戡病離於衰禍旣安且吉得出牢獄永無患難女人之相其言如蜜而其心如毒譬如停淵澄鏡而蛟龍居之金山寶窟而師子處之當知此害不可近也室家不和婦人

之由毀宗敗族婦人之罪實是陰賊滅人慧
明亦是獵園勘得出者譬如高羅羣鳥落之
不能奮飛又如密網衆魚投之剗腸菹肌亦
如闔坑無目投之如蛾赴火是以智者知而
遠之不受其害惡而穢之不爲此物之所惑
也

菩薩訶色欲法

四品學法

宋求那跋陀羅譯

其有三德學號真學爲上品

其持具戒學號承法爲中品

其受卑戒學號依福學爲下品

其行三事號散侍爲外品

第八

二

又真學三德者一曰戒行備具二曰多知經
法三曰能化度人是爲三德號真學者也又
承法具戒者純行五戒信審罪福奉承法教
也又依福卑戒者但持上四戒不持酒戒隨